



Izrečena drugostepena presuda k

95 GODINA ROBI POČINJENO ZLO

Osuđeni obavezani da nadoknade troškove sudskog postupka, Turkoviću, Stjepanoviću i Zahitoviću se oduzimaju vozila, novac i dionice, apartman na Vlašiću, a biće oduzeto i 47.766 KM sa računa Šejle Turković

Petorica optuženih u predmetu Turković drugostepenom presudom Apelacionog vijeća Suda BiH jučer su zbog šverca droge, pljačke Cargocentra Aerodroma Sarajevo, ubistva pet osoba, te pokušaja ubistava, neovlaštenog prometa oružja, iznude dionica Fabrike čarapa Ključ, pranja novca i nedozvoljenog posjedovanja oružja osuđeni na ukupno 95 godina robjice, čime je za pet godina smanjena kazna izrečena u prvostepenom postupku.

Turković nije došao

Presuda Apelacionog vijeća razlikuje se od prvostepene samo u visini kazne Milenku Lakiću, koja je smanjena za pet godina. Tako je drugostepenom presudom Zijad Turković osuđen na 40, Lakić na 35, Fadil Aljović na pet, Saša Stjepanović na 12 i Muamer Zahitović na tri godine zatvora.

Predsjedavajući Vijeća, sudija Senadin Begtašević rekao je da se osuđenim u kaznu uračunava i vrijeme provedeno u pritvoru, te dodao da Turković, Lakić i Stjepanović ostaju u pritvoru do početka izdržavanja kazne, dok se Aljović pušta na slobodu.

Prije početka suđenja "najopasnijoj zločinačkoj organizaciji u poslijeratnoj BiH", kako su je neki nazvali, oko Suda BiH vladalo je pravo opsadno stanje. Pripadnici sarajevske policije mogli su se vidjeti na svakih 50-ak metara, a bilo ih je više i pred samim ulazom u Sud. U dvorištu Suda su bili specijalci, od kojih je jedan bio naoružan uzijem. Osim novinara, izricanju presude prisustvovali su i članovi rodbine oštećenih, kao i predstavnici međunarodnih organizacija.

Prvooptuženi Turković se ni ovaj put, kao ni prilikom izricanja prvostepene presude, nije poja-

vio u sudnici, a u publici se nisu mogli primijetiti članovi njegove porodice. Tokom izricanja odluke, predsjedavajući Vijeća Senadin Begtašević je skoro tri sata nabrajao krivična djela za koja su članovi grupe osuđeni i obrazlagao presudu.

Turković je dobio 40 godina za ubistva Marija Tolića, Wernera Ajdarija, Mithata Mekića i Lusije Salas Cortez, organizovani kriminal, šverc droge, pljačku Cargocentra Aerodroma Sarajevo, izazivanje opšte opasnosti, pripremanje i pokušaj ubistava Anesa Kurbegovića, te oca i sina Nasera i Elvise Keljmenđija. Za iznudu dionica Fabrike čarapa Ključ je dobio dvije, a za produženo krivično djelo pranja novca tri godine zatvora, te mu je izrečena jedinstvena kazna od 40 godina zatvora.

Lakiću je za organizovani kriminal i pripremanje ubistava Nasera i Elvise Keljmenđija te Anesa

Tužilaštvo, SIPA i oštećeni zadovoljni

Nakon izricanja presude oglasili su se Tužilaštvo BiH, ali i SIPA. Boris Grubešić, portparol Tužilaštva BiH, rekao je da su zadovoljni presudom, označivši je istorijskom u borbi protiv organizovanog kriminala.

Iz SIPA je saopšteno da je dugogodišnja policijska istraga rezultirala izricanjem ove presude kojom je pet optuženih osuđeno na 95 godina zatvora, dok je, kada je započet glavni pretres 2011. godine, sedam osoba sklopilo sporazum o priznanju krivice sa Tužilaštvom BiH. Navedeno je da su kazne izrečene Turkoviću i Lakiću "do sada najveće kazne zatvora za krivična djela organiziranog kriminala".

"Menadžment SIPA izražava zadovoljstvo zbog uspješno realizirane akcije Cargo, predmeta Zijad Turković i drugi, u kojoj su SIPA i Tužilaštvo BiH uspjeli dokazati postojanje zločinačke organizacije, koja je na prostoru BiH



Boris Grubešić



Sendi Tolić

izvršila najteža krivična djela", navedeno je u saopštenju SIPA.

Sendi Tolić, sin ubijenog Marija Tolića, nakon izricanja presude je rekao da je pravda pobijedila.

"Hvala najhrabrijoj ženi u Bosni za mene, tužiteljici Diani Kajmaković i tužitelju Olegu Čavki. Sada idem da na grob svoga oca odnesem cvijeće", kazao je Tolić.

Kriminalnoj grupi Zijada Turkovića

JE JE ODGOVOR NA



Zijad Turković - 40 godina



Milenko Lakić - 35 godina



Fadil Aljović - 5 godina



Saša Stjepanović - 12 godina



Muamer Zahitović - 3 godine

Kurbegovića, te za ubistva Mekića, njegove djevojke Salas Cortez te Tolića i Ajdarija, kao i teško ubistvo Rajka Milovanovića izrečena kazna od 35 godina robije.

Saša Stjepanović je osuđen za organizovani kriminal i trgovinu droge te pljačku Cargo-centra Aerodroma Sarajevo, Aljović za organizovani kriminal, a Zahitović zbog iznude dionica Ključa i pranja novca.

- Osuđeni se, dodao je predsjedavajući Vijeća, obavezuju da nadoknade troškove sudskog postupka, a Turkoviću, Stjepanoviću i Zahitoviću se oduzimaju predmeti, vozila, novac i dionice u iznosu od 49.170 KM (od Zahitovića). Od Turkovića se oduzima mercedes ML, blindirani audi, 277.000 maraka stečenih krivičnim djelom, apartman na Vlašiću, te mora u određenom roku da plati trećinu novca za njegovu porodičnu kuću na Bistriku, a biće oduzeto i 47.766 KM sa računa njegove supruge Šejle Turković.

Sudija Begtašević je rekao i da Vijeće smatra da su činjenice koje se osuđenima stavljaju na teret dokazane van svake sumnje. Vijeće je u pogledu trgovine drogom vjeru poklonilo izjavama svjedoka Emira Zekovića i Isljama Kalendera, iako ima nepodudarnosti u njihovim iskazima, no to, prema riječima sudije, ne znači da se dje-

Branioći razočarani

Advokati Fahrija Karkin i Kerim Čelik nisu krili razočarenje presudom. Karkin je nakon izlaska iz sudnice rekao da je 46 godina advokat, te da nikad dosad nije čuo da sudija komentariše presudu na način kako je to uradio Senadin Begtašević, koji je citirao nekog nepoznatog pravnog teoretičara. Karkin je pojasnio da time Sud sebe pokušava opravdati što je izrekao takvu krivičnu sankciju.

“Ova presuda je slična prvostepenoj samo po sankciji, sve drugo je promijenjeno, činjenični supstrat i pravna kvalifikacija. Ovo je dokaz da ovakav Sud više ne može da opstane”, rekao je Karkin, koji je Turkovića branio po službenoj dužnosti o trošku države.



Fahrija Karkin



Kerim Čelik

Čelik, branilac Aljovića, rekao je da će podnijeti apelaciju Ustavnom sudu jer su povrijeđena ljudska prava na pravičnost suđenja i pravo na odbranu. Istakao je da je donesena presuda bez ijednog valjanog razloga.

lo nije desilo. Njihove izjave su cijenjene u korelaciji sa izjavama ostalih svjedoka i materijalnim dokazima, pojasnio je Begtašević.

On je potom istakao da je Vijeće uzelo u obzir nalaz vještaka finansijske struke, prema kojem Turković nije mogao steći nekretnine i vozila samo na osnovu plate njegove supruge, koja je sama radila.

Nezavisan postupak

Što se tiče ubistva Mekića i Salas Cortez, te Tolića i Ajdarija, Vijeće je svoju odluku da je Turković bio organizator tog djela baziralo na osnovu iskaza Kalendera i Seada Dumanjića, koji je pokazao gdje su zakopana tijela. Begtašević je dodao da je uočena

nepodudarnost u izjavama svjedoka, ali da to ne dovodi u pitanje vjerodostojnost njihovih iskaza. Iako je Dumanjić bio involviran u ubistvo Tolića i Ajdarija, njegov iskaz je cijenjen u korelaciji sa iskazima drugih svjedoka. S druge strane, dodao je Begtašević, odbrana nije uspjela pobiti iskaze ovih svjedoka.

Begtašević je istakao da je Vijeće prilikom odmjerenja kazne imalo u vidu da odgovara stepenu počinjenog krivičnog djela. Citirao je njemačkog pravnika Klauza Rennerta da je zadatak sudije tokom suđenja da održi fer i nezavisan postupak.

Turković, Stjepanović, Lakić i Aljović postali su pripadnici međusobno povezane grupe koja je

djelovala od 2005. do septembra 2010, a koja je organizovana sa ciljem pripremanja i izvršenja djela koja su izazvala strah i nesigurnost građana u BiH, koja je zbog takvih djela svrstana u zemlje visokog rizika. Turković je, stoji u presudi, donosio odluke, dogovarao i planirao izvršenje radnji, dok su ostali postupali po njegovim naredbama. Počinjena krivična djela izazvala su visok stepen uznemirenosti i straha među građanima i poremetili mir u BiH.

Ovom presudom, rekao je Begtašević, uspostavljaju se poremećeni red i mir u društvu i ona je odgovor na počinjeno zlo, i na nju stranke nemaju pravo žalbe.

D. PAVLOVIĆ